


# Pak Kitab fuain dólla

## Házir óiye



# Bíyosto, Allah Cúndoiija Ghór




Lekóya: Edward Hughes  
Nokcá tulóiya: Lazarus; Alastair Paterson  
Borabor goróya: Sarah S.  
Torjoma goróya: John Anwar  
Neelaiye de óilde: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada


©2020 Bible for Children, Inc.

Laisen: Tuáñttú e kaháni yíán neelai bólla yáto kopí goribólla hók  
asé, zedún fóijjonto tuñí yíán oré nóo beso.

Isá duniyait táite Íbar sáafi ókkol oré bíyostor  
baabute hoóil. Íba ye yíán oré "Añár Bafor Ghór"  
bóli hoóil. Héçe becí zaga asé zíin  
becí cúndor. Bíyosto hoóde  
yíán becí dhoóñr edde  
e duniyair ghórottú  
aró becí cúndor.




Isá ye hoódde, "Aññi tuáñralla zaga toiyar goittó zair. Aññi zai tuáñralla zaga toiyar gorí abár aiccúm, edde tuáñrارة Aññar hañsé loizaiyúm." Isá morattú uçi baade Bíyostot giyé. Íbar saáfi ókkole saái accíl de ottót, ekkán miyúla aáiyóre Isá re tarár muuntu loi giyói.




3

Yíanólla, Isáyi ókkol óttu Isár waáda re yad asé ziyán Íba ye aái taráre loi zaiboi hoói goijjé. Isáye Hoódde, Íba manúic ókkole notháre de ottót atíkka aibó. Montor tooile Isáyi ókkol zará moiijjé tarár hálot ki óibo? Pak Kitabe hoódde, tará uzu Isár héçe zaiboi. Meçir haiya ttú alók ói Málik or fúañti tákibo.




4

Zahéri Kalam, zibá Pak Kitabor akéri síyarah, híba ye Bíyosto hondila cúndor de yían zanái de. Haás gorí, becí cúndor ki hoile, Bíyosto óilde Allahr ghór. Allah hár zagat házir asé, montor Íbar tottó óilde Bíyostot.



5


Fírista edde oinno bíyostot asé de híine Allahr ebaadot goré. Héndila Allahr imandár ókkol zará mori giyói, tará yó goré. Tará seér gái Allahr taárif goré. Tará endilla seér gaáde: Tuñi laayék kiyólla-hóile Tuñi añárare Tuáñr lou loi basai Allahr hañsé ainnó, fottí haándan edde fottí zatíttu añárare añni, baakcá edde imam banáiyó. (Zaheri Kalam 5:9)



6


Pak Kitabe Akérit Bíyosto re "Noiya Jeruzalem" boli hoiyé. Yían becí hoilé becí dhoóñr, yían baáttu usol gíra diyá. Gíra yían hírar, becí cúndor edde usol. Juhár edde dami fattór loi gírar gura gúijja, ar cúndoiijja cúndoiijja rong ciñitthá.

Cóoror fottí dorozá ekgúilla dhoóñr mukti loi banaiya.




7

Hé dhoóñr muktir dorozá honódin bon noó. Bútore zaiyóre yían hondilla saái góide...ohh! Bíyosto bútore aró becí cúndor. Cóor ókkol háthi cúnar banaiya, ainar dhóilla zolzola. Manúic ókkol añçé de foñt úddua cúna loi banaiya.




8

Ekkán sáf hálor zindigir faní Allahr tottó ttú foribóu. Hé hálor honó ek dhák ottú zindigir fanír gas asé, zibá age Eden baganot accíl. Íba eggúa becí haás gas. Hé gas Íbat mace-mace ek dhóila ek dhóila gorí baró macót baró dhóila gula dóre. Ar hé gasór fata híin zati ókkol oré gom gorí bólla.



Bíyostot foór ólla honó beíl yáto san nolagé. Allahr kudurutor foór loi yían bóri zagoi. Héçe honó rait náí.



Bíyostor januar ókkol úddua duniyair januar ókkol loi forók. Bíyostot tará ekdoilla edde dusto doil gorí táke. Rañguñir edde Béra fúañti kër há. Héndila dhoóñr-dhoóñr cíngo ókkole úddua goorú dhóila sore. Allah Malike hoódde, "Añár pak murát tará honódin zohom yáto dónco no goríbou."



Becí sis ókkol duniyait asé de híin bíyostot náí. Héçe honó guccár hotá fúna no zaibo. Héçe honó mará mari, citináí gorá náí. Héçe wanyain tela marí era noforé, kiyólla-hoilé héçe honó sur náí.



Héçe honó misá, kún goróya, jadugor, yá oinno honó hóraf manúic ókkol náí. Bíyostot honó dhóila guná náí.

Bíyostot Allah fúañti honó hañdani náí. Kessú thaimot, Allahr manúic ókkol e zindigit becí ferecane hañde. Bíyostot Allah ye tarár fottí sukor faní re fuñsí dibó.



Bíyostot made honó moot ó náí. Allahr manúic ókkol zindigibór Allahr fúañti tákibo. Héçe honó duk, honó biaram, honó alok úa náí. Héçe zonoda forá yá muruda gañra náí. Fottí ekzon Allah fúañti bíyostot kúci gorí táke.



Bíyosto óilde maiya, morót zará Isá re nazor basailoia hoói edde Íba re nazor Málik hoi mañne, tará beggún ólla. Bíyostot eggúa boói asé, zibá re Bérar Kitab boli hoó. Hé Kitab híba manúic ókkol or nam loi furaiya. Tuñí zano ne héçe harár nam leikká asé? Héçe asé de, zará Isár uore iman ainné tarár nam.

Héçe tuáñr nam asé ne?



15

Bíyostor baabute Pak Kitab or ahéri hota beci taaजूपा dawot. "Ar Ruú edde dulá ye hoódde, 'Aiyó!' Ze fúne te yó hoiyó de 'Aiyó' Zattú tirác laiggé te aiyó. Ar zattú moné hoó, te aaiyóre zindigir faní maana fiyogái."



16

Bíyosto, Allah Cúndoiija Ghór


Allahr Kalam ottú ekkán kaháni, Pak Kitab,

loót fade

Yuhúna 14; 2 Kórintiyól 5;  
Zahéri Kalam 4, 21, 22

"Tuáñr Kalam gólaye foór diyat táke."  
Zobur 119:130

17



60



60

18

E Pak Kitab or kaháni ye añárar taiजूपा Allahr baabute cíkaibo, zibá ye añárare banaiyé edde zibá ye saádde tuñí Íba re sinó.

Allah ye zané añára hóraf ham goijjí, zín oré Íba ye guná hoó. Gunár cánza óilde moron, kintuk Allah ye tuañre beci muhábbot goré de hétolla, Íba ye Íbar ek siríf Fuá Isá re defeçaiye, zeéne kúrucot foran de, edde tuáñr zoriya cánza fa. Baade Isá zinda óiyore Íbar ghór ziyán bíyosto híyanot giyói. Zodi tuñí Isá uore iman añní, tuañr gunár maf maiggo de óile, tóoile Íba ye tuañre maf gorí dibó. Íba éhon tuañr héçe aibó edde fúañti tákibo, ar tuñí Íbar fúañti zindigibór tákiba.

Zodi tuñí yían sóiyi de biccác goró, tóoile Allah re yían hoó:  
O adoijjá Isá, aññí biccác gorí de, Tuñí Allah, ar insán boni duniyait aái añár gunállá foran diyó, edde Tuñí abár zinda óiyo. MeérbaniGORÍ añár zindigít aiyó edde añár gunáre maf goró, zeéne ehón aññí noiya zindigi fai, ar ek din bíyostot zai Tuáñr fúañti hámica tákifari. Añáre modot goró, zeéne aññí tuañre mani edde Tuáñr fua boni tákifari. Amin

Fottí din Pak Kitab foró edde Allahr loi hotá hoó. Yuhúna 3:16

19